


June



Te Avae Tiunu 1954

TE HEHEURAA API

PROVINCIAL OFFICE LIBRARY

THE CHURCH OF JESUS CHRIST OF LATTER-DAY SAINTS

Na hea to te mau tamarii a Adamu fariiraa i ta te Atua Heheuraa

Uiraa 1. I muri i to Adamu farii raa i ta'na heheuraa no nia iho i te opuaraa no te ora. Eaha te mea matamua ta'na i rave?

Pahonoraa I i te parau oaoa, te auraa ia i te parau "Evangelia", ua haere haapeepree Adamu ia Eva ia faaite ia'na ra i te mau mea maere tei tupu, e te opuaraa no te oraraa atoa hoi.

Uiraa 2 Ua tia anei ia Eva ia haroaroa i te opuaraa? Nahea oia?

Pahonoraa Oia mau, ua taa maitai ia'na te auraa i ta Adamu parau. Ua tae te teimaha o te faahaparaa i nia ia'na ra. E i teie nei ua faaorehia ta'na hara. No reira ua oaoa oia, "na ô atura ahiri e aita maua i hi'a ra aore ia i noaa to maua huaai, e aore atoa i ite i te maitai e te ino, e te oaoa o to maua faaoraraahia, e te ora mure ore o ta te Atua e horoa ia ratou atoa o te haapao." (Mose 5:11)

Uiraa 3. E i reira, nahea Adamu raua o Eva?

Pahonoraa Ua haamaitai ihora Adamu raua o Eva i te i'ea o te Atua, no te oaoa i noaa ia raua i tana maha-na ra.

Uiraa 4. Ua faaitehia anei e, ua hinaaro u'ana o Adamu ia ite ta'na mau tamarii i te opuaraa no te ora? No te aha ra?

Pahonoraa E mea papu roa e, a vai ai Adamu mâ i roto i te poiri, e mahere paha ia e 60 matahiti, ua ani pinepine hia oia e ta'na mau tamarii, "no te aha tatou, e eaha te auraa i teie mau mea nei." Aita

râ e tia ia Adamu ia pahono no to'na ra ite ore. No reira, aita paha ratou i faatura ia'na. Teie nei râ, ua ite oia i te mau pahonoraa. Haaputupu ihora oia i ta'na ra mau tamarîi, a faaite atu ai i te opuaraa no te ora.

Uiraa 5. Ua nahea ia ratou a faaite ai oia i taua opuaraa ra?

Pahonoraa Ua feaapiti ratou i ta'na mau parau. Ua mana'o paha ratou e, "Eaha te Atua i tia'i maoro ai na roto i teie mau matahiti pōiri ia parau mai ia tatou. E mea au anei ia feruri e, ua fâ mai te Atua i teie nei mai te faaoreraa i te hara. E teie faahou, ahiri ta'na e parau na tatou ua fâ maira oia ia tatou no te aha aita tatou i farii i te heheura. Haavare paha ia?

Uiraa 6. E mea natura anei ia hinaaro te tamarîi a Adamu i to ratou iho heheura?

Pahonoraa Oia mau ia, pinepine tatou i te mana'o e, a faaite papu mai i te reira, ia ite to'u mata, e reira e faaroo vau, e parau mau ihoa ia.

Uiraa 7. Ua farii anei ratou i te heheura?

Pahonoraa E ua fâ hanahana maira Satani i rotopu ia ratou "na ô maira; e tamaiti atoa hoi au na te Atua; e ua faane atura oia ia ratou, na ô atura: eiaha e faaroo atu; e aore atura ratou i faaroo, e hau atura to ratou here ia Satani i te Atua. E haamata ihora te taata mai taua taima atura ia rave i ta te tino, i ta te mea faufau, e ta te demoui. (Mose 5:15)

Uiraa 8. Eaha ta taua orama e haapii maira ia tatou?

Pahonoraa E piti tūmu no te heheura e vai nei o Iehova, e Lutifera. No reira e ara tatou i te Mesia haavare e te peropheta haavare.

Uiraa 9. Ua farii te mau tamarii i ta to ratou melahi, ta Satane ei parau mau. Eaha ta teie i faatupu i i ropu i te na metua e te mau tamarii?

Pahnoraa Te auore ia te tahi, i te tahi no te mea ua faaroo ratou e, ua haavare Adamu ia ratou. Aita ratou i auraro, e aore i faatura faahou i to ratou na metua.

Uiraa 10. No te aha i faatiabha'i o Lutifera ia fâ mai, mai te melahi hanahana, e ia haavare i te tamarii a Adamu raua o Eva? Ua riro anei teie ei haama-ramaramaraa ia tatou no nia iho i te huru o te aroraa o Lutifera ia Iehova?

Pahonoraa Ia Lutifera i faatupu ai i te orure hau i te ao, i te matamua ra, aita te Atua i tuu i to'na rima i roto. Ua vaiiho ra Oia i ta'na mau tamarii ia marô noatu. E ua huruhia Satane e to'na atoa ra mau melahi i raro i nia i te ao nei e Mihaela e to'na mau melahi na roto "i te parau ta ratou i faaite ra" (Apokalupo 12:12) Ua ohipa ratou, te mau varua o te metua tei patoi atu i ta Lutifera orure hau, i to ratou mana, e to ratou tiamâ no te tuuraa i te mana'o; e tae noa'tu ua turu te rahiraa o te mau varua ia ratou ra. E no te puai o to ratou tahoêraa, aore i riro te rê ia Satani ma, e aore roa'tura o ratou e parahiraa i nia i te ra'i. Ua faaite te parau mo'a ia tatou, ua haere Lutifera i te tahi mau taime i mua i te Atua ia taparu ia'na ra. Aita anei te Atua e faatia ia rave oia i te ohipa maere mai ta Iehova i rave. Ei rêira, e iteahia e, e pee te taata ia'na. Te faatia nei te mau ture tumu o te hau a te Atua i te diabololo ia

tama'i atu ia Iehova no nia i te hoê â tiaraa. Ahi-ri e aita; aita roa ia e nehenehe ia parau e, "tei te taata te tiamâ ia maiti." (2 Nephi 2:16, 26) I te mau taime ta Iehova i tuu mai i te heheuraa ua na reira atoa hoi o Satani. Ua fâ maira Satani ia Mose, Iesu, e ia Iosepha Semita e ia veta-hi atu hoi. Mai te hoê melahi hauahana to'na fâ-raa mai i te hoê mau taime. (2 Korinetia 11:14)

Uirua 11 Temana'o nei outou e, ua riro mau te rê ia Sata-ni, ia'na i faahema'i te tamarii a Adamu?

Pahonoraa Aita no te mea te vai atura te tatarahapa, e ua a'o hoi Iesu i te Evanelia i te mau varua i tapea-hia ra. No reira, "e hope mau te turi atoa i te tuu i raro i mua ia'u, e hope te mau vaha atoa i te fa'i i te parau i te Atua ra." (O Iesu Mesia ia Roma 14:9-11)

Ua rê ana'e oia i te reira hora.

Uirua 12 E upootia te parau-tia i nia i te ao nei no te mea e aore e ino e aore râ, noa'tu te ino.

Pahonoraa Te titau nei Satani i te hoê â tiaraa ia Iehova no te putoraa i te varua o te taata, Eita roa'tu te Atua e faahepo ia Satani ia rave i te parau-tia. Eita atoa Oia e faahepo i te taata ia rave i te pa-rau-tia noa'tu te ino.

To Iosepha Faaiteeraa ia'na Iho I To'na Ra Mau Tuaana.

(Genese 44-45)

A tae atu ai ratou i te fenua ra i Aipiti, ua haere atura teie mau tamarii e farerei i te tavana e ua hopoi atoa tura hoi i to ratou ra hopea oia o Beniamina i mua i to'na ra aro. Na roto i to te tavana iteraa'tu i teie nei tamaiti, oia hoi o to'na atoa ra tuaana, ua tupu ihora te oaoa i roto i to'na ra aau, inaha hoi na roto ia Beniamina, ua roaa maira i teie nei tavana i te ite papu raa e, te ora noa ra to'na metua tane. I roto i taua taime ra, ua tamata ihora o Iosepha i te huna atu i to'na ra oaoa rahi i te mata o to'na mau taeae, i to'na ra mana'oraa, aita â ia i tae atura i te taime faufaa rahi no te faaiteeraa'tu ia ratou. Noa'tura i te reira, ua pii ihora oia i to'na ra mau tavini ia haere mai ia'na, e ua faane atura ia ratou ia aratai atu i to'na ra mau tuaana i roto i to'na ra fare, e ia faaineine ia ratou no te hoê tamaa raa rahi. I reira mai te au i teie nei faaneraa, ua titau faahou hia ihora ratou ia haere mai i mua i te aro no teie nei mau tavini. Eaha ia te tumu teie nei mau tuaana i titau atu ai ia ratou ia haere atu i roto i to'na ra fare, e eaha hoi te mea i tupu i reira.

Ia ratou i farerei ai ia Iosepha i roto i to'na ra fare, ua horoa atoa ratou i te mau tao'a aroha ta to ratou metua i horoa atu e ua tuturi atoa ihora i mua i to'na ra aro. I reira faahou na ani atura o Iosepha ia ratou ia faaite atu ia'na i te huru mau no to ratou ra metua, to ratou utuafare paa-toa o te tiahapa noa ra i te fenua ra i Kanaana. I reira ua tamata ihora teie nei mau tuaana no'na i te haamaramarama

atu ia
papu

anei
oia i
mau

mau
mai,

ua ma
No ta
te far
mai e
maara
mau
maita
ihora
e ia fa
mai i
mau
mina.

ihora
muri
ta'na
hia ra
i to'n
I roto
oia ia
tavan

na Ra

atu ia'na i te huru mau no to ratou ra utuafare mai te faaite papu atu e, e o'e rahi tei tupu i roto i to ratou ra oraraa.

Ua ni atura Iosepha ia ratou mai te parau e, o teie anei te teina o ta outou i parau mai ia'u? A fariu atu ai oia i nia ia Beniamina, ua parau atura oia ia'na, e vai â te mau haamaitairaa a te Fatu i nia ia'oe na.

E oto rahi tei tupu i roto i te aau o Iosepha i taua mau taime ra, e aita a'e ra hoi i tia-faahou ia'na i te faaoro mai, no reira, ua horo ihora oia i rapae.

I muri mai i te reira na hoi maira oia i pihaiha i to'ua mau tuaana e ua faaue ihora oia ia afaihia mai te maa. No tana tamaaraa nei, ua iritibia maira o Simeona i rapae i te fare tapearaa, e ua amuibia ihora ratou mai te matahiapo mai e tae atu hoi i te hopea. I muri mai i ta ratou ra tamaaraa, ua faaue ihora o Iosepha ia faaineinehia te vetahi mau ro'i no to'na ra mau tuaana ia tia ia ratou ia faafaea maitai no to ratou ho'iraa'tu. I reira atoa ihoa ua faaue ihora oia ia faaihia te mau pute tisona a to'na ra mau taeae e ia faahoi atoa hia'tu ta ratou mau moni i roto. I muri mai i te reira, ua maiti ihora o Iosepha i te hoê o ta'na ra mau au'a auro e na tuu atoa ihora i roto i te pute a Beniamina.

I te poipoi roa o te mahana i muri mai, ua tonohia ihora teie nei mau tuaana i to ratou ra tere. Area i muri mai i to ratou ra revaraa, ua tonu atura o Iosepha i ta'na ra mau tavini no te tapaparaa'tu ia ratou ra. Ia hi'o hia ra, e au ra ia e, te hinaaro nei o Iosepha i te haapii atu i to'na ra mau tuaana i te vetahi atu mau mea faufaa rahi. I roto i teie nei tere no to'na ra mau faehan ua faaue atura oia ia parauhia e, na eia te hoê o ratou i te au'a ario a te tavana e mea tia ihoa ia, ia faahoihia ratou i te oire.

I te taime teie mau faehau i farerei ai i te mau tuaana no Iosepha, pari ihora ratou i teie nei mau taeae paatoa i te eia i te au'a ario a te tavana. Maere ihora teie nei mau taeae no taua pariraa ra, e ua feaa ihora hoi. Ua papu roa ia ratou tataihoê e, aore roa te hoê o ratou i rave i taua ohipa ino ra, e no reira ua parau maira ratou, 'Na fea hoi e tia'i ia matou ia eia mai i te ario, e aore ra te auro, mai roto mai i te fare no to outou na tavana? "O te taata tei ia'na taua au'a nei, ia haapohehia oia e tia ai, area matou nei ra, ia riro ana'e ia matou ei mau tavini no to outou na tavana.

I reira, ua haamata ihora teie nei mau faehau i te paimi, e te paheru atoa hoi i nia ia ratou, e i roto i ta ratou ra mau pute, e tae noa'tu i te taime a iteahia'tu ai taua au'a nei i roto i te pute a Beniamina. Aita roa te hoê o teie nei mau tamarii paari i rave noa'e i teie mau peu ino, e ua papu atoa hoi ia ratou e, aita atoa o Beniamina i rave i taua mau ohipa ra. I taua taime ra, hoê noa iho mea ta ratou e mata'u nei, oia hoi, o te tavihihia ratou. Ua haamana'o ihora ratou i te mau parau o ta ratou i paran atu i to ratou ra metua.

E no reira ua tupu ihora to ratou oto rahi, na roto i taua peapea ra. Eaha te mea e tupu mai i nia i ratou i taua taime ra. Eaha hoi te tupu atu i nia ia Beniamina e eaha ta ratou e parau atu i to ratou ra metua tane?

I muri mai i to ratou huri faahouara i ta ratou mau pute i nia i te tūa no ta ratou mau kamela, ua hoi faahou i te oire rahi, mai te oto e te peapea rahi ia tae atu ratou i mua ia Iosepha te tavana, ei reira ratou e tamata ai i te taparu ia'na.

rahi. I
marii
ratou
no te

i te pil
rahi te
Eaha
te tum
roa rat
aita ato

tou tae
raa i te
roto ia

haere n
iiho ia'
i to Aij
iho, o o
ia'u i o
fenua n
e ooti:
ora to

na te
ei raati
nua ra

Aita i tia faahou ia Iosepha ia faaoromai i to'na oto rahi. I roto i taua taimera, ua roaa i te tahi o teie mau tamariki te here e te hamani maitairaa i to ratou metua, e ia ratou ratou iho. E no te oaoa rahi tei tupu i roto i to'na aau no te tauraa rahi o to'na ra mau taeae, oto ihora Iosepha.

Ua faaue ihora Iosepha i te mau taata ia haere i rapae i te pihia ia vaiho noa mai ia'na e to'na mau taeae. E maere rahi tei tupu i roto i te aau o te mau taeae i taua taimera. Eaha hoi te tumu te tavana i rave ai i teie huru ohipa. Eaha te tumu oia i oto ai mai te puai i mua i to ratou aro. Aita roa ratou i ite i te huru no te aau o Iosepha i taua taimera, aita atoa hoi ratou i ite e, e taeae teie no ratou.

Parau atura Iosepha ia ratou, "*Orau o Iosepha to outou taeae; te ora nei anei to'u nei metua?*" I to ratou faaroraa i taua parau a Iosepha nei, tupu ihora te mata'u rahi i roto ia ratou, mamu noa ihora ratou i taua taimera.

I reira ua parau faahou atura Iosepha ia ratou, "*A haere mai i pihaiho ia'u nei. Ia ratou i tapiri atu ai i pihaiho ia'na, na o atura oia e, "Orau to outou teina ta outou i hoo i to Aipihiti; e te na'na eiaha e oto e eiaha hoi e riri ia outou iho, o outou i hoo mai ia'u i onzi; na te Atua hoi i tono mai ia'u i onei ia ora te taata nei, a piti a'enei matahiti o'e i te fenua nei e pae hoi matahiti e toe nei, e ore e uene e ore hoi e ooti: i tono mai ai te Atua ia'u i onei na mua ia outou ia ora to outou'huai i te ao nei, ia ora outou i te oraraa rahi.*"

E teie nei, e ere ra na outou i tae mai ai au i o nei, na te Atua ra, e ua faaau Oia ia'n ei metua no Pharao, e ei raatira no to'na ra utu-farei e ei tavana atoa hoi i te fenua ra i Aipihiti.

Faauē ihora oia ia ratou ia hoi haavitiviti noa i to ratou ra metua, e ia faaite atu ia'na e, aita ta'na ra tamaiti here o Iosepha i pohe te ora noa nei, e o oia ia te tavana no Aiphiti. Ua faauē atoa'tura oia ia ratou ia hopoi mai i to ratou metua, e to ratou atoa hoi mau utuafare i Aiphiti nei, e na'na ratou e haapao e tae noa'tu hoi i te hopea o na matahiti o'e toe e pae. I reira ua horoa'tura oia i te hoê vahi tiahaparaa no ratou i te fenua ra o Gosena.

E oto rahi tei tupu i taua taime ra. Ua rave maira Iosepha i to'na ra teina ia Beniamina i roto i to'na rima e ua ta'i ihora raua too piti. I muri mai i te reira ua apa ihora oia i to'na ra mau tuaana, e ua oto ana'e ihora ratou.

Ia faaroo a'era o Pharao i taua mau mea ra, ua horoa maira oia i te vetahi mau pereoo, e te mau animala no te afairaa'tu ia ratou i roto i tana tere ra, ua faaahu atoa maira o Pharao ia ratou i te vetahi mau aahu maitai, e faataa faahou ihora i te maa na ratou, mai te ani atu ia ratou ia ho'i haavitiviti mai, e to ratou atoa mau utuafare, e to ratou atoa ra metua o Iakobo. No te mea e tamaiti here mau hia o Beniamina e to ratou ra metua, ua horoahia'tura na'na te tahi moni rahi, e e van atoa mau ahū rii nehenehe.

Aita roa i tupu te tiaturi i roto i te aau o Iakobo na roto i teie nei faaiteraa a ta'na ra mau tamarii. Area ra, no te mea e ua ite mata ihora oia i te mau tauihāa, e te mau ahū e rave rahi, e oia atoa hoi i ta'na ra na tamaiti Simeona e o Beniamina, ua haamata ihora oia i te tiaturi. I roto i to'na ihora mana'oraa ra, e au ia ua hoi faahou mai o Iosepha mai te pohe mai.

PARAU RII API

Te Amuiraa I Hikuera.

Ua tere atu maua o Aira i te fenua Hikuera no te faatere i te amuiraa Eperera, e ua tae atu maua i te 24 no Mati. I te 26, ua faarue maua i te oire, e ua tae atu maua i te Te-kokoga, e ua farerei maua i te mau melo o tei parahi i taua fenua ra, e e mea maitai to ratou faaearaa i reira.

Ua opere atu maua i te mau a'oraa no te amuiraa, e ua farii maitahia taua mau a'oraa ra.

Ua haamatahia te amuiraa i te Sabati, na roto i te pureraa na te Autahu'araa. Ua riro taua pureraa ra ei iritiraa mana'o, e i muri iho i faaterehia'i te Haapiiraa Sabati, e te pureraa oro'a, e te pureraa i te pô Sabati. E ua i te fare pureraa, i te mau taine atoa.

I te Monire, ua faaterehia e piti pureraa, e i te pô, ua faaterehia te haapiiraa hoho'a ta ratou i faaineine. I muri a'era, ua faatere maua Aira i te hoê haapiiraa hoho'a area-rearua, e ua mauuru roa te mau taata, oia hoi, e toru hanere taata tei tae mai no taua ohipa ra.

Ua opere atu maua i te mau a'oraa i te mau taata i roto i te Autahu'araa, e te toe ra te tahi mau a'oraa. No reira, ua maitahia te tahi mau tuahine no te tahi mau a'oraa e ua farii-maitahia ia.

Ua hoi faahou mai te tahi mau taata i roto i te ohipa e ua farii-faahou-hia ratou i roto i te Ekalesia. Ua farii atoa hia te tahi mau toro'a e ratou, no reira i maitai ai teie amuiraa i Hikuera, e te faaite atu nei maua i to maua here rahi ia ratou, no te farii-maitai raa i teie mau ohipa, mai te ma-

tamua e tae roa'tu i te hopea. Aita roa te hoê peapea i tafifi i ta matou mau ohipa faahiahia. Te faaite atu nei maua i to maua mauruuru rahi ia ratou i te mea e, ua farii maitai ratou i ta ratou mau a'oraa, e te mau ohipa atoa, e ua riro teie amuiraa, ei amuiraa faahiahia roa.

Papaihia e Maurice Orometua.

Amuiraa Eperera I Takaroa i te 4, 5, e te 6.

Ua haamatahia te amuiraa i te poipoi Sabati na roto i te hoê pureraa iritiraa mana'o no te Autahu'araa, e ua haapa'o-atoa-hia e toru pureraa amui i taua mahana ra.

I te monire ua faaterehia e piti pureraa amuiraa, e te oriraa no te Feia Api, e te inuraa chocolate i te pô. E mea nehehehe roa te mau oriraa i orihia, e no reira, mauruuru roa i te faatereraa o te Feia Api.

I te mahana piti, ua faaterehia e toru pureraa amuiraa. No te faaotiraa o te amuiraa i Takaroa, ua mataitai te mau taata e maha haapiiraa hoho'a

E mea au roa te mau Evanelia i a'ohia mai e te mau taata, to Takaroa, e to te feia hopu parau tei tairuru i reira ua horo'ahia te hoê pureraa amuiraa i te Paraimere, e te tahi i te mau tuahine. Teie te hoê parau faaite i te mauruuru rahi no te mau taata faatere oia hoi; o Tekehu raua o Maina, e i te mau taata atoa tei rave i te mau tufaa ohipa i reira. Te faaite atu nei matou i to matou mauruuru rahi ia outou paatoa.

Papaihia e Robert Orometua.

Te Amuiraa Eperera I Papeete.

I te poipoi Sabati, i te 4 no Eperera, ua haamatahia te amuiraa na roto i te hoê pureraa Autahu'araa iritiraa mana'o. E ua faaite mai te mono peresideni missioni i te huru no te mau ohipa e ravehia i taua mahana ra. Ua opere maitaihia te mau a'oraa na nia i te mau Autahu'araa, e te mau tuahine, e te mau feia api atoa o te Ekalesia.

Te hora ahuru i te avatea, ua faaterehia te pureraa na roto i te mau himene, e te mau a'oraa tei a'ohia mai i taua pureraa ra, e teie te parau i faaauhia, oia hoi, te here o te Atua i te taata nei, e rave rahi atu â te mau ohipa i oti i taua pureraa ra, e ua farii maitaihia teie mau tufaa a'oraa e te mau melo o te Ekalesia. E teie hoi te rahiraa o te mau taata tei tae mai i taua pureraa ra, e torn hanere tiabapa, e mai te reira atoa hoi na pureraa i te hora piti i te ahiahi, e to te pô.

I te pae, ua faaterehia e piti pureraa, e mea maitai roa atoa hoi te mau a'oraa, e te mau ohipa i ravehia i taua mahana ra, e i taua pô ihoa, ua tarahu mai te ekalesia i te fare teata a Tony Bambridge. E ua opere maitehia te mau titeti i te mau melo, e tae noa'ru i te mau hoa o te Ekalesia nei.

I te ono no Eperera, o te mahana rahi mau ia a te Ekalesia, e ua vaiiho atu te mau taata i ta ratou mau ohipa imiraa moni, e ua tae ana'e mai ratou i taua mau pureraa ra, mai te oaoa rahi, e te tiaturi hoi i te mau ohipa a te Atua. E torn pureraa tei faaterehia i taua mahana ra, e te mau a'oraa tei a'ohia mai, e mea faahiahihi roa, e tae noa'ru i te mau himene. Na te mau peresideniraa o te mau pûpû

faatere o te amaa te mau a'oraa, e rave rahi te mau taata i tae mai, e ua roaahia e 300 e tiabapa taata. E i taua pô atoa ra, i te 6, ua faaterehia e piti haapiiraa hoho'a, na te amaa i Papeete, e te amaa Arue, e mea faahiahia roa, e ua i roa te aua i te taata.

I te hitu no Eperera, ua faatupuhia te hoê oriraa rahi roa, e te faahiahia, na roto i te mau arii vahine e maha, ua maitihia teie mau arii vahine no to ratou itoitou i te mau ohipa a te Ekalesia, oia hoi, (Mahana a Moo), (Tevahine a Mariteragi), (Mareta a Hutihuti), e o (Odette Bourgade no Paea). e te faaite atu nei matou i te mauruuru rahi i teie mau tamahine, i to outou farii maitairaa i teie mau tufaa ohipa ta outou i rave a'e nei, na i roa te aua i te taata, e na rapae atoa hoi.

Te faatae atu nei matou i to matou mauruuru rahi ia outou no te mau tufaa ohipa i horoahia na outou, mai te a'oraa, te mau himene, e te tahi atu â mau ohipa i oti ia outou.

Te aroha atu nei matou ia outou paatoa na roto i te aroha mau o te Fatu amene.

Papaiahia e Reri Orometua.

Te Amuiraa I Tubuai.

Ua faaterehia to Tubuai amuiraa i te pae no Eperera, i raro a'e i te faatereraa a Joe raua Dean.

Ua haamatahia te reira na roto i te hoê oro'a oaoaraa, oia hoi te hoê pureraa Bapetizoraa.

I muri iho i teie bapetizoraa i haamatahia'i te pureraa Autahu'araa. Ua faatanohia te mau a'oraa e te mau himene, ia tuatapapa i te autahu'ara e ia haapapu maitai i te ohipa a te mau toro'a i roto i na autahu'araa e piti.

E mea faahiahia roa ino te mau ravea i haapaohia teie mau a'oraa i faataahia na te mau taeae.

Ua faaea rii matou e i muri rii mai i haamatahia'i te pureraa amuiraa. Te ohipa rahi i ravehia i teie pureraa o te faatiaraa e te faarii i te mau feia toro'a o te Ekalesia. Area râ, eiaha roa'tu outou e mana'o e, e mea faahiahia ore te mau a'oraa. Ua faaite-papu-hia mai te tahi mau tufaa no te evanelia.

Noa'tu ra te huru maitai no teie na pureraa matamua, na riro te pureraa hopea ei mea au a'e i te pureraa i tana mahana ra.

Na te pupu Paraimere i rave te mau ohipa, e mea au roa ino te reira ia hi'o, e ia faaroo. E mau parau maitatai ana'e tei tuuhia mai na roto i te vaha o teie mau tamarii rii.

Ua tupu mau ia, te parau i papaihia i Matalo 21:16 o tei na ô mai e, "*Aita outou i tai'o ua noaa ia oe te haamaitai no roto i te vaha o te tamarii rii*"?

I muri a'e i teie pureraa, i faaterehia te hoê tamaaraa na matou atoa e mea au roa te mau huru mau i horoa hia mai ia amu.

Ua faaterehia te hautiraa popo i te ahiabi, i te faaotiraa o te reira, ua haamata matou i te tahi haapiiraa hoho'a. E mea ataata roa ia hi'o i teie na haapiiraa.

Faatere faahou atura matou i te tahi na pureraa i te 6 no Eperera e ua au to ratou maitai i to te na pureraa i faaterehia i na mahana i mairii i muri. Na te mau tuahine faatere i na a'oraa i te pureraa matamua. Te pureraa piti ra ei

pureraa amuiraa ia. Te toru o te pureraa ei pureraa ia na te feia api, ua riro atoa te reira ei pureraa hopea na matou.

Te ite nei matou e, ahiri aita matou i faatia i te hoê oriraa ua ere ia matou i te hoê ohipa maitai, no reira ua faatere hia te oriraa i te pô ono no Eperera.

Te hinaaro nei maua o Joe ia faatae'tu i to maua maururu rahi ia ratou, i te mau feia mo'a i Tubuai. Ua faaoti maitai ratou i te mau ohipa i faataahia na ratou.

Tiara ia te parau poto no te amuiraa i Tubuai ia ora na tatou i roto i te i'oa o Iesu Mesia Amene.

Papahia e Dean Orometua

Te Hoho'a No Teie Ava'e.

No Deleberta Tapale te hoho'a i mua nei, te hoê melo huru api oia no te tino ahuru e ma piti Aposetolo. E teie te maororaa o to'na tapearaa i te hoê mau toro'a a riro atu ai oia ei Aposetolo:

1. E 2 matahiti ei orometua poro haere i te Evanelia.
2. E taata faatere i roto i te pupu "Boy Scout" mai te matahiti 1919 e tae noa'tu i teie nei.
3. E 2 matahiti ei melo no te apooraa no te oire Phoenix.
4. 17 matahiti ei taata faatere i roto i te Fei Api no te hoê matainaa.
5. 12 matahiti ei melo no te apooraa teitei o te hoê matainaa.
6. 10 matahiti ei tauturu i te Peresideni matainaa.
7. 3 matahiti ei Peresideni matainaa.
8. I te matahiti 1950 i roto i te amuiraa Atopa, ua faatoro'ahia oia ei Aposetolo. Haama'o tatou e, te rave ra oia i taua mau ohipa ra a imi ai oia i ta'na iho imiraa moni no to'na ra oraraa.